

## 2 यहुन्ना

**1** हम पुरनियन केर ओर ते उइ चुनी भई सिरीमती अउर वहिके लरिकन बचवन केर नाम जेहि ते हम उइ सच्चाइन केर कारन सच्चै पियेम राखत हउ, जउन हमरे मा थिर रहति हय, अउर सदैव हमरे साथ अटल रहैं।<sup>2</sup>अउर खाली हमहीं नाहीं, वरन उइ सबै पियेम राखत हैं, जउन साँचि का जानत हय।

<sup>3</sup>परमेसुर बाप, अउर बाप केर बेटवा यीसु मसीह केर ओर ते अनुग्रह, अउर दया, अउर सान्ती, सच्चाई अउर पियेम सहित हमरे साथ रहिये।

<sup>4</sup>हम बहुत खुस भइन, कि हमने तुमरे कितने बाल बचन क उइ आग्या केर मुताबिक, जउन हमका बाप केर ओर ते मिले रहैं सच्चाई पर चलत हुवै पावा।

<sup>5</sup>अब हे सिरीमती हम अब तुमका कउनो नई आग्या नाहीं, पर वहै जउन सुरु मा हमरे पास रहै, लिखत हंय, अउर तुमहीं ते विनती करत हय, कि हम एक दूसर ते पियेम राखै।<sup>6</sup>अउर पियेम यहु हय कि हम वहिकी आग्या केर हिसाब ते चलैं, यहु वहै आग्या हय, जउन तुम सुरु मा सुनै रहौ अउर तुमका यहि पर चलै के भी चाही।

<sup>7</sup>काहे ते बहुतन ऐसन भरमावै वाले जगत मा निकल आय ह्य, जौन ई नाहीं मानत, कि यीसु मसीह सरीर मा होइ के आय: भरमावै वाले अउर मसीह केर विरोधी यहै हय।<sup>8</sup>अपन खातिर चौकस रहा; कि जउन मेहनत हम किहिन हय उहिका तुम न बिगारौ: वरन् वहिका पूरा फल पावौ।<sup>9</sup>जौन कवनउ आगे बढि जात है, अउर मसीह केर सिच्छा मा बना नाहीं रहत, वहिके पास परमेसुर नाहीं: जउन वहिके सिच्छा मा टिका रहति है, वहिके पास बापौ हय, अउर बेटवौ।<sup>10</sup>यहि कउनो तुम्हरे नेरे आवै देव अउर न नमस्कार करौ।<sup>11</sup>काहे ते जउन एहिसन मनइन को नमस्कार करत हय वहु वहिके बुरे कामन मा साझी होत हय।

<sup>12</sup>हमका बहुतै बातें लिखै हय पर कागज अउर स्याही ते लिखै केर नाहीं चाहित पर आसा हय, कि हम तुमरे पास अइबैं, अउर सामने होइके बात—चीत करवैं, जेहिसे तुम्हार खुसी पूरी होइ जाए।

<sup>13</sup>तुम्हार चुनी हुइन बहिन केर लरिका वाले तुमका नमस्कार करत ह्य।